

«ԱՐԱՐԱՏ ՖՈՒՏԲՈՒԼԱՅԻՆ ԱԿՈՒՄԲ» ՀԶ ՓԲԸ

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ

2020 թ. դեկտեմբերի 31-ին ավարտվող տարվա համար

ՀՀ Իրավաբանական անձանց պետական ռեգիստրում գրանցվել է 23.12.1998 թ-ին Գրանցման համար 254.120.04557, վկայական համար 01 Ա 044055
Գտնվելու վայրը՝ ՀՀ, ք. Երևան, Մամիկոնյանց 40



Բովանդակություն

ԱՆԿԱՆ ԱՌԻԻՏՈՐԻ ԵԶՐԱԿԱՑՈՒԹՅՈՒՆ	3
Ֆինանսական վիճակի մասին հաշվետվություն	6
Համապարփակ ֆինանսական արդյունքների մասին հաշվետվություն	9
Սեփական կապիտալում փոփոխությունների մասին հաշվետվություն	12
Դրամական միջոցների հոսքերի մասին հաշվետվություն	13
Ֆինանսական Հաշվետվություններին Կից Ծանոթագրություններ	15
1. Ֆինանսական հաշվետվությունների պատրաստման հիմքերը	15
2. Հաշվապահական հաշվառման քաղաքականությունը	19
3. Դրամական միջոցներ և համարժեքներ	29
4. Դեբիտորական պարտքեր, տրված կանխավճարներ և ընթացիկ հարկային ակտիվներ	29
5. Պաշարներ	29
6. Հիմնական միջոցներ	30
7. Կրեդիտորական պարտքեր	31
8. Պահուստներ	31
9. Հասույթ	32
10. Աշխատակիցների վարձատրության ծախսեր	32
11. Այլ գործառնական ծախսեր	32
12. Փոխարժեքային եկամուտ կամ ծախս	33
13. Ոչ գործառնական ծախսեր	33
14. Այլ բացահայտումներ, համաձայն UEFA-ի պահանջների	33
15. Կապակցված կողմերի բացահայտում	34
16. Արտաքին միջավայրը և Կազմակերպության գործունեությունը	35
17. Համավարակի ազդեցությունը	36
18. Ֆինանսական ռիսկեր	36
19. Ապահովագրություն	37
20. Անորոշություններ	37



«Լոնդոն Բիզնես Գրուպ» ՀԶ ՍՊԸ
 ՀՀ, Երևան, Խորենացի 27ա/1
 "London Business Group" JV LLC
 27a Khorenatsi str., apt. 1, Yerevan, RA
 Tel: (+37410) 541272, 560852
 E-mail: audit@lbg.am
 Web: www.lbg.am

ԱՆԿԱՆ ԱՈՒԴԻՏՈՐԻ ԵԶՐԱԿԱՑՈՒԹՅՈՒՆ

«Արարատ Ֆուտբոլային Ակումբ» ՀԶ ՓԲԸ-ի Ղեկավարությանը և Բաժնետերերին

Կարծիք

Մենք աուդիտի ենք ենթարկել «Արարատ Ֆուտբոլային Ակումբ» ՀԶ ՓԲԸ-ին (այսուհետ՝ Կազմակերպություն) կից ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 31 դեկտեմբերի 2020 թ., ինչպես նաև այդ ամսաթվին ավարտված տարվա համապարփակ ֆինանսական արդյունքի, սեփական կապիտալում փոփոխությունների և դրամական հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Կազմակերպության ֆինանսական վիճակը 2020 թվականի դեկտեմբերի 31-ի դրությամբ, ինչպես նաև այդ ամսաթվին ավարտվող տարվա ֆինանսական արդյունքը և դրամական միջոցների հոսքերը՝ համաձայն ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմք

Մենք աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Կազմակերպությունից՝ համաձայն Հաշվապահների Էթիկայի միջազգային ստանդարտների խորհրդի կողմից հրապարակած Պրոֆեսիոնալ հաշվապահի էթիկայի կանոնագրքի (ՀԷՄՍԽ կանոնագիրք) և պահպանել ենք էթիկայի այլ պահանջները՝ համաձայն ՀՄԷՄԽ կանոնների: Համոզված ենք, որ ձեռք ենք բերել բավարար համապատասխան աուդիտորական ապացույցներ՝ մեր կարծիքն արտահայտելու համար:

Ղեկավարության պատասխանատվությունը ֆինանսական հաշվետվությունների համար

Կազմակերպության ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման, և այնպիսի ներքին հսկողության համար, որն, ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումը ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Կազմակերպության անընդհատ գործելու կարողության գնահատման համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի Կազմակերպությունը լուծարելու կամ Կազմակերպության գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձինք պատասխանատու են Կազմակերպության ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով գերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորի եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ սխալի կամ խարդախության արդյունքում, և համարվում են էական, երբ խելամտորեն կարող են ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի վրումն՝

- հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Կազմակերպության ներքին հսկողության արդյունավետության վերաբերյալ կարծիք արտահայտելու համար:
- գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:

- եզրահանգում ենք ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ, և հիմնվելով ձեռք բերված աուդիտորական ապացույցների վրա՝ գնահատում ենք՝ արդյոք առկա է էական անորոշություն ղեպքերի կամ իրավիճակների վերաբերյալ, որոնք կարող են նշանակալի կասկած հարուցել Կազմակերպության անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների վրա: Սակայն, ապագա ղեպքերը կամ իրավիճակները կարող են ստիպել Կազմակերպությանը դադարեցնել անընդհատության հիմունքի կիրառումը:
- գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու ղեպքերի ճշմարիտ ներկայացումը:

Ի թիվս այլ հարցերի, մենք տեղեկացնում ենք ղեկավարությանը աուդիտի պլանավորված շրջանակի և ժամկետների, աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

«Լոնդոն Բիզնես Գրուպ» ՀՉ ՍՊԸ


15 ապրիլի, 2021 թ.

Աուդիտի ղեկավար
Մ. Խոջայան



Տնօրեն

Տ. Զորյան



Ֆինանսական վիճակի մասին հաշվետվություն

(Ներկայացված է ՀՀ հազ. դրամներով)	Ծանոթագր.	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Ակտիվներ			
<i>Ընթացիկ ակտիվներ</i>			
Դրամական միջոցներ և համարժեքներ	3	249	1,434
Դեբիտորական պարտքեր ֆուտբոլիստների տրանսֆերների գծով		-	-
Դեբիտորական պարտքեր խմբի կամ կապակցված կողմերի գծով		-	-
Դեբիտորական պարտքեր ծառայությունների գծով	4	2,073	-
Տրված կանխավճարներ	4	1,566	419
Ընթացիկ հարկային ակտիվներ	4	31,111	33,119
Պաշարներ	5	869	7
<i>Ընդամենը ընթացիկ ակտիվներ</i>		<u>35,868</u>	<u>34,979</u>
<i>Ոչ ընթացիկ ակտիվներ</i>			
Հիմնական միջոցներ	6	141,080	153,763
Ոչ նյութական ակտիվներ՝ ֆուտբոլիստներ		-	-
Այլ ոչ նյութական ակտիվներ		-	-
Դեբիտորական պարտքեր ֆուտբոլիստների տրանսֆերների գծով		-	-
Դեբիտորական պարտքեր խմբի կամ կապակցված կողմերի գծով		-	-
Այլ ոչ ընթացիկ դեբիտորական պարտքեր		-	-
Հետնձգված հարկային ակտիվներ		-	-
Ներդրումներ		-	-
<i>Ընդամենը ոչ ընթացիկ ակտիվներ</i>		<u>141,080</u>	<u>153,763</u>
Ընդամենը ակտիվներ		176,948	188,742

Ֆինանսական վիճակի մասին հաշվետվություն

(Շարունակություն, մաս 2)

(Ներկայացված է ՀՀ հազ. դրամներով)	Ծանոթագր.	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Պարտավորություններ			
<i>Ընթացիկ պարտավորություններ</i>			
Բանկային օվերդրաֆտներ և այլ վարկեր		-	-
Կրեդիտորական պարտքեր խմբին կամ կապակցված կողմերին		-	-
Կրեդիտորական պարտքեր ֆուտբոլիստների տրանսֆերների գծով		-	-
Կրեդիտորական պարտքեր աշխատավարձի և այլ հատկացումների գծով	7	2,033	-
Կրեդիտորական պարտքեր հարկերի և այլ պարտադիր վճարների գծով	7	4,565	88
Այլ կրեդիտորական պարտքեր	7	34,889	34,927
Ստացված կանխավճարներ և հետաձգված եկամուտ	7	-	-
Ընթացիկ պահուստներ	8	3,703	3,703
Այլ կարճաժամկետ պարտավորություններ		-	-
<i>Ընդամենը ընթացիկ պարտավորություններ</i>		<u>45,190</u>	<u>38,718</u>
<i>Ոչ ընթացիկ պարտավորություններ</i>			
Վերցված փոխառություններ	14	115,069	274,057
Կրեդիտորական պարտքեր խմբին կամ կապակցված կողմերին		-	-
Կրեդիտորական պարտքեր ֆուտբոլիստների տրանսֆերների գծով		-	-
Կրեդիտորական պարտքեր աշխատավարձի և այլ հատուցումների գծով		-	-
Կրեդիտորական պարտքեր հարկերի և այլ պարտադիր վճարների գծով		-	-
Այլ կրեդիտորական պարտքեր		-	-
Ստացված կանխավճարներ և հետաձգված եկամուտ		-	-
Հետաձգված հարկային պարտավորություններ		-	-
Երկարաժամկետ պահուստներ		-	-
Այլ ոչ ընթացիկ պարտավորություններ		-	-
<i>Ընդամենը ոչ ընթացիկ պարտավորություններ</i>		<u>115,069</u>	<u>274,057</u>
Ընդամենը պարտավորություններ		160,259	312,775
Ընդամենը զուտ ակտիվներ		16,689	(124,033)

Ֆինանսական վիճակի մասին հաշվետվություն

(Շարունակություն, մաս 3)

(Ներկայացված է ՀՀ հազ. դրամներով)	Ծանոթագր.	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Սեփական կապիտալ			
Կանոնադրական կապիտալ		1,566,000	1,234,000
Չբաշխված շահույթ կամ վնաս		(1,549,311)	(1,358,033)
Պահուստներ		-	-
Ընդամենը սեփական կապիտալ		16,689	(124,033)

Կից ծանոթագրությունները կազմում են ֆինանսական հաշվետվությունների բաղկացուցիչ մասը:

Ա. Նազարյան
Գործադիր տնօրեն



Ա. Գևորգյան
Գլխավոր հաշվապահ



15 ապրիլի, 2021 թ.



Համապարփակ ֆինանսական արդյունքների մասին հաշվետվություն

(Ներկայացված է ՀՀ հազ. դրամներով)	Ծանոթագր.	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Հասույթ			
Տոմսերի իրացում		-	-
Հովանավորչություն և գովազդ		6,909	-
Հեռարձակման իրավունքներ		-	-
Առևտրական		-	-
ՈՒԵՖԱ-ի համերաշխության և մրցանակային գումարներ	9	51,388	2,500
Այլ գործառնական եկամուտ	9	12,172	-
Ընդամենը հասույթ		70,469	2,500
Ծախսեր			
Ապրանքների վաճառքի ինքնարժեք		-	-
Աշխատավարձի գծով ծախսեր՝ ֆուտբոլիստներին	10	(66,368)	(24,804)
Աշխատավարձի գծով ծախսեր՝ այլ աշխատակիցներին	10	(47,480)	(51,396)
Հիմնական միջոցների մաշվածություն	6	(16,644)	(16,786)
Ոչ նյութական ակտիվների ամորտիզացիա (բացառությամբ ֆուտբոլիստների գրանցման հետ կապված ծախսերի)		-	-
Հիմնական միջոցների և ոչ նյութական ակտիվների արժեզրկում (բացառությամբ ֆուտբոլիստների գրանցման հետ կապված ծախսերի)		-	-
Այլ գործառնական ծախսեր, այդ թվում՝		(128,712)	(196,072)
ֆուտբոլային ծախսեր	11	(116,911)	(182,861)
վարչական ծախսեր	11	(11,801)	(13,211)
Ընդամենը գործառնական ծախսեր (բացառությամբ ֆուտբոլիստների գրանցման հետ կապված ծախսերի)		(259,204)	(289,058)
Գործառնական շահույթ (վնաս)		(188,735)	(286,558)

Համապարփակ ֆինանսական արդյունքների մասին հաշվետվություն
(Շարունակություն. մաս 2)

(Ներկայացված է ՀՀ հազ. դրամներով)	Ծանոթագր.	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Ֆուտբոլիստների ձեռքբերում և օտարում			
Ոչ նյութական ակտիվների ամորտիզացիա (ֆուտբոլիստների գրանցում)		(50)	(2,381)
Ոչ նյութական ակտիվների արժեզրկում (ֆուտբոլիստների գրանցում)		-	-
Գրանցումների օտարումից շահույթ (վնաս)		-	-
Գրանցման ձեռքբերմանն ուղղված ծախսեր (ներառյալ չկապիտալացված վճարներ գործակալներին կամ միջնորդներին և ֆուտբոլիստների վարձակալության վճարներ)		(6,885)	(2,626)
Ֆուտբոլիստների գրանցման օտարումներից եկամուտներ (ներառյալ վարձակալությունից եկամուտներ)		6,596	1,269
Ընդամենը ֆուտբոլիստների ձեռքբերում և օտարում		(339)	(3,738)
Ոչ ընթացիկ ակտիվների օտարման արդյունք			
Հիմնական միջոցների օտարումից հասույթ		-	-
Օտարված հիմնական միջոցների ինքնարժեք		-	-
Ոչ նյութական ակտիվների օտարումից հասույթ		-	-
Օտարված ոչ նյութական ակտիվների ինքնարժեք		-	-
Ընդամենը ոչ ընթացիկ ակտիվների օտարումից եկամուտ (ծախս)		-	-

Համապարփակ ֆինանսական արդյունքների մասին հաշվետվություն
(Շարունակություն, մաս 3)

(Ներկայացված է ՀՀ հազ. դրամներով)	Ծանոթագր.	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Ֆինանսական եկամուտ (ծախս)			
Ֆինանսական եկամուտներ		-	-
Ֆինանսական ծախսեր		-	-
Զուտ ֆինանսական եկամուտ (ծախս)		-	-
Փոխարժեքային եկամուտ (ծախս)			
Փոխարժեքային եկամուտներ		194	106
Փոխարժեքային ծախսեր		(1,524)	(65)
Ընդամենը փոխարժեքային եկամուտ (ծախս)	12	(1,330)	41
Այլ ոչ գործառնական գործունեություն			
Այլ եկամուտներ (ոչ գործառնական)		-	-
Այլ ծախսեր (ոչ գործառնական)	13	(874)	(799)
Այլ ոչ գործառնական գործունեության արդյունք		(874)	(799)
Շահույթ (վնաս) մինչև հարկումը		(191,278)	(291,054)
Շահութահարկ		-	-
Տարվա զուտ շահույթ (վնաս)		(191,278)	(291,054)

Կից ծանոթագրությունները կազմում են ֆինանսական հաշվետվությունների բաղկացուցիչ մասը:

Ա. Նազարյան
Գործադիր տնօրեն

Ա. Գևորգյան
Գլխավոր հաշվապահ



15 ապրիլի, 2021 թ.



Սեփական կապիտալում փոփոխությունների մասին հաշվետվություն

(Ներկայացված է ՀՀ հազ. դրամներով)	Կանոնադրական կապիտալ	Չբաշխված շահույթ	Ընդամենը
2019թ. հունվարի 1-ի դրությամբ	1,234,000	(1,066,979)	167,021
Ժամանակաշրջանի համապարփակ ֆինանսական արդյունք	-	(291,054)	(291,054)
2019թ. դեկտեմբերի 31-ի դրությամբ	1,234,000	(1,358,033)	(124,033)
2020թ. հունվարի 1-ի դրությամբ	1,234,000	(1,358,033)	(124,033)
Կանոնադրական կապիտալի համալրում	332,000	-	332,000
Ժամանակաշրջանի համապարփակ ֆինանսական արդյունք	-	(191,278)	(191,278)
2020թ. դեկտեմբերի 31-ի դրությամբ	1,566,000	(1,549,311)	16,689

Կից ծանոթագրությունները կազմում են ֆինանսական հաշվետվությունների բաղկացուցիչ մասը:

Ա. Նազարյան
Գործադիր տնօրեն



Ա. Գևորգյան
Գլխավոր հաշվապահ



15 ապրիլի, 2021 թ.



Դրամական միջոցների հոսքերի մասին հաշվետվություն


(Ներկայացված է ՀՀ հազ. դրամներով)	Ծանոթ- 2020թ. դեկտեմբերի 31-ին թագր.	2019թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Գործառնական գործունեություն			
<i>Մուտքեր գործառնական գործունեությունից</i>			
Մուտքեր տոմսերի իրացումից	-	-	-
UEFA-ից ստացված համերաշխության գումարներ	51,388	-	-
Մուտքեր հեռարձակման իրավունքներից	-	-	-
Մուտքեր առևտրային գործունեությունից	-	-	-
Մուտքեր այլ գործառնական գործունեությունից	24,202	3,775	3,775
<i>Ընդամենը մուտքեր գործառնական գործունեությունից</i>	<i>75,590</i>	<i>3,775</i>	<i>3,775</i>
<i>Ելքեր գործառնական գործունեությունից</i>			
Վճարումներ ձեռքբերված ապրանքների ու ծառայությունների դիմաց	136,632	190,522	190,522
Վճարված աշխատավարձ	84,744	57,136	57,136
Վճարումներ գործակալներին ու միջնորդներին	-	-	-
Վճարումներ այլ գործառնական ծախսերի դիմաց	23,047	27,519	27,519
<i>Ընդամենը ելքեր գործառնական գործունեությունից</i>	<i>244,423</i>	<i>275,177</i>	<i>275,177</i>
Զուտ հոսքեր գործառնական գործունեությունից	(168,833)	(271,402)	(271,402)
Ներդրումային գործունեություն			
<i>Մուտքեր ներդրումային գործունեությունից</i>			
Մուտքեր ֆուտբոլիստների գրանցման օտարումից	-	-	-
Մուտքեր հիմնական միջոցների օտարումից	-	-	-
Մուտքեր ներդրումային այլ գործունեությունից	-	-	-
<i>Ընդամենը մուտքեր ներդրումային գործունեությունից</i>	<i>-</i>	<i>-</i>	<i>-</i>
<i>Ելքեր ներդրումային գործունեությունից</i>			
Վճարումներ ֆուտբոլիստների գրանցումներ ձեռք բերելու նպատակով	-	-	-
Վճարումներ հիմնական միջոցների ձեռքբերման դիմաց	4,011	2,431	2,431
Ելքեր ներդրումային այլ գործունեությունից	-	-	-
<i>Ընդամենը ելքեր ներդրումային գործունեությունից</i>	<i>4,011</i>	<i>2,431</i>	<i>2,431</i>
Զուտ հոսք ներդրումային գործունեությունից	(4,011)	(2,431)	(2,431)

Դրամական միջոցների հոսքերի մասին հաշվետվություն
(Շարունակություն, մաս 2)


(Ներկայացված է ՀՀ հազ. դրամներով)	Ծանոթ- բազր. 2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Ֆինանսական գործունեություն		
<i>Մուտքեր ֆինանսական գործունեությունից</i>		
Փոխկապակցված կողմերից ստացված փոխառություններ	175,369	251,150
Ֆինանսական կազմակերպություններից ստացված վարկեր ու փոխառություններ	-	-
Մուտքեր կանոնադիր կապիտալում ներդրումներից	332,000	-
Մուտքեր պարտատոմսերի թողարկումից	-	-
Մուտքեր ֆինանսական այլ գործունեությունից	-	-
<i>Ընդամենը մուտքեր ֆինանսական գործունեությունից</i>	<i>507,369</i>	<i>251,150</i>
<i>Ելքեր ֆինանսական գործունեությունից</i>		
Փոխառությունների մարում փոխկապակցված կողմերին	335,712	3,100
Վարկերի ու փոխառությունների մարում ֆինանսական կազմակերպություններին	-	-
Կանոնադիր կապիտալի նվազեցում կամ շահաբաժինների վճարում	-	-
Պարտատոմսերի մարում	-	-
Տոկոսների վճարում	-	-
Ելքեր ֆինանսական այլ գործունեությունից	-	-
<i>Ընդամենը ելքեր ֆինանսական գործունեությունից</i>	<i>335,712</i>	<i>3,100</i>
Զուտ հոսքեր ֆինանսական գործունեությունից	171,657	248,050
Դրամական միջոցների փոփոխություն	(1,187)	(25,783)
Արտարժուրային միջոցների փոխարժեքային տարբերության արդյունք	2	7
Դրամական միջոցների մնացորդը հաշվետու ժամանակաշրջանի սկզբում	1,434	27,210
Դրամական միջոցների մնացորդը հաշվետու ժամանակաշրջանի վերջում	249	1,434

Կից ծանոթագրությունները կազմում են ֆինանսական հաշվետվությունների բաղկացուցիչ մասը:

Ա. Նազարյան
Գործադիր տնօրեն



Ա. Գևորգյան
Գլխավոր հաշվապահ



15 ապրիլի, 2021 թ.



Ֆինանսական Հաշվետվություններին Կից Ծանոթագրություններ

1. Ֆինանսական հաշվետվությունների պատրաստման հիմքերը

1.1 Համապատասխանություն

Ֆինանսական հաշվետվությունները պատրաստվել են Հաշվապահական Հաշվառման Միջազգային Ստանդարտների Խորհրդի (այսուհետ՝ ՀՀՄՍԽ) և Մեկնաբանման կոմիտեի (ՄԿ) կողմից սահմանված Ֆինանսական Հաշվետվությունների Միջազգային Ստանդարտների (այսուհետ՝ ՖՀՄՍ) համաձայն:

Կազմակերպության հաշվետու ժամանակաշրջանի ֆինանսական հաշվետվությունները ՖՀՄՍ-ի և Եվրոպայի Լիգայի պահանջներին համապատասխան ներկայացնելու նպատակով կատարվել են լրացուցիչ բացահայտումներ:

1.2 Ծանաչման հիմքեր

Ֆինանսական հաշվետվությունները պատրաստվել են սկզբնական արժեքի սկզբունքով:

Սույն ֆինանսական հաշվետվություններում ներկայացված հաշվապահական հաշվառման քաղաքականությունը կիրառվել է Կազմակերպության՝ 2020 թ-ի դեկտեմբերի 31-ի և 2019 թ-ի դեկտեմբերի 31-ի դրությամբ ֆինանսական հաշվետվությունները պատրաստելիս:

Կազմակերպությունն իր ֆինանսական վիճակի մասին հաշվետվությունը ՖՀՄՍ-ի համաձայն պատրաստելիս կիրառել է հետևյալ մոտեցումները.

- ✓ չի ճանաչել հոդվածները որպես ակտիվ կամ պարտավորություն, եթե ՖՀՄՍ-ով թույլ չի տրվում այդպիսի ճանաչում,
- ✓ ճանաչել է այն ակտիվներն ու պարտավորությունները, որոնց ճանաչումը պահանջվում է ՖՀՄՍ-ով,
- ✓ ՖՀՄՍ-ն կիրառվել է բոլոր ճանաչված ակտիվները և պարտավորությունները չափելիս:

1.3 Ֆինանսական հաշվետվությունների ներկայացում

Կազմակերպությունը որոշել է պատրաստել համապարփակ ֆինանսական արդյունքների մասին մեկ հաշվետվություն՝ ենթագումարներով երկու առանձին հաշվետվությունների (ֆինանսական արդյունքների մասին առանձին հաշվետվություն, որին հետևում է այլ համապարփակ ֆինանսական արդյունքների մասին հաշվետվություն) փոխարեն:

1.4 Ղեկավարության գնահատումներ և դատողություններ

ՖՀՄՍ-ների և ՀՀ հաշվապահական հաշվառման օրենսդրության պահանջով ֆինանսական հաշվետվությունների պատրաստման ընթացքում Կազմակերպության ղեկավարությունը կատարում է գնահատումներ, կանխատեսումներ և ենթադրություններ ապագա

Ժամանակաշրջանների վերաբերյալ: Այդ դատողությունները կիրառվում են ֆինանսական հաշվետվությունների ակտիվների ու պարտավորությունների չափման ժամանակ: Գնահատումներն ու դատողությունները մշտապես վերանայվում են՝ հիմնվելով պատմական փորձի և այլ գործոնների վրա, ինչպես նաև ապագա իրադարձությունների վերաբերյալ ողջամիտ ակնկալիքների վրա: Այդուհանդերձ, փաստացի փորձը կարող է տարբերվել կատարված գնահատումներից և ենթադրություններից:

Ստորև ներկայացված են այն գնահատումները և ենթադրությունները, որոնք պարունակում են զգալի ռիսկ, քանի որ հաջորդ ֆինանսական տարում կարող են ակտիվների և պարտավորությունների հաշվեկշռային արժեքների էական ճշգրտումների պատճառ հանդիսանալ:

Գնահատումներ և ենթադրություններ՝ իրական արժեքի չափում

Մի շարք ակտիվներ և պարտավորություններ պահանջվում է չափել իրական արժեքով, կամ բացահայտել դրանց իրական արժեքը ֆինանսական հաշվետվություններում:

Կազմակերպության ֆինանսական և ոչ ֆինանսական ակտիվների ու պարտավորությունների իրական արժեքի չափման համար հնարավորինս օգտագործվում են շուկայական տվյալներ: Իրական արժեքի չափման համար օգտագործվող ելակետային տվյալները դասակարգվում են ըստ տարբեր մակարդակների՝ կախված նրանից, թե որքանով են գնահատման մեթոդի մեջ օգտագործվող տվյալները դիտելի:

1. Նույնական ակտիվի կան պարտավորության համար ակտիվ շուկաներում գնանշվող գներ (չճշգրտված);
2. Ուղղակի կամ անուղղակի դիտելի ելակետային տվյալներ՝ բացառությամբ 1. կետում ներառվող գնանշվող գներից;
3. Ոչ դիտելի ելակետային տվյալներ՝ շուկայական տվյալների վրա չհիմնված:

Ակտիվների և պարտավորությունների դասակարգումը հիմնվում է ամենացածր արժեքի ելակետային տվյալների վրա, որոնք ունեն զգալի ազդեցություն իրական արժեքի չափման գործում: Հաշվապահական գնահատումների արդյունքները ճանաչվում են այն ժամանակաշրջանում, որի ընթացքում դրանք տեղի են ունենում:

1.5 Գործառնական և հաշվետվությունների ներկայացման արժույթ

Հայաստանի Հանրապետությունում գործառնական արժույթը ՀՀ դրամն է, որն էլ հանդիսանում է Կազմակերպության գործառնական արժույթը:

Մույն ֆինանսական հաշվետվությունները ներկայացված են ՀՀ դրամով: Դեկլարացիայի համոզմամբ՝ այն լավագույնս է արտացոլում ֆինանսական հաշվետվությունների հիմքում ընկած իրադարձություններն ու գործարքների տնտեսական էությունը և ամենահարմարն է Կազմակերպության ֆինանսական հաշվետվություններն օգտագործողների համար:

ՀՀ դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

1.6 Նոր և վերանայված ՖՀՄՍ ստանդարտներ, որոնք կիրառելի են ընթացիկ տարվա համար

Ստորև ներկայացված նոր և վերանայված ՖՀՄՍ-ների կիրառման ազդեցությունը կրում է գույքացուցադրական բնույթ: Կազմակերպությունները պետք է վերլուծեն այս նոր և վերանայված ՖՀՄՍ-ների կիրառման ազդեցությունը ֆինանսական հաշվետվությունների վրա՝ հիմք ընդունելով հատուկ փաստեր և հանգամանքներ, և կատարեն համապատասխան բացահայտումներ:

Կազմակերպությունը ընդունել է իր գործունեության համար կիրառելի և արդեն ուժի մեջ մտած բոլոր նոր և վերանայված ստանդարտները և մեկնաբանությունները, որոնք հրապարկվել են Հաշվապահական հաշվառման միջազգային ստանդարտների խորհրդի (ՀՀՄՍԽ) և ՀՀՄՍԽ-ի Մեկնաբանման կոմիտեի (ՄԿ) կողմից:

01.01.2019թ-ից ուժի մեջ մտած՝ ՖՀՄՍ 16 «Վարձակալություն» ստանդարտը և ՖՀՄՍԽ-ՄԿ «Շահութահարկի հաշվառման մոտեցման անորոշություն» մեկնաբանությունը նշանակալի ազդեցություն չունեն Կազմակերպության ֆինանսական հաշվետվությունների վրա:

Վարձակալության վճարների զիջումներ

2020թ-ի մայիսի 28-ին ՀՀՄՍԽ-ն թողարկել է COVID-19-ի հետ կապված վարձակալության վճարների զիջումներ՝ ՖՀՄՍ 16 Վարձակալություն ստանդարտում փոփոխությունը: Խորհուրդը փոփոխել է ստանդարտը՝ վարձակալներին ազատելով կորոնավիրուսային համավարակի անմիջական հետևանք հանդիսացող վարձակալության վճարների զիջմամբ պայմանավորված վարձակալության վերափոխումների հաշվառման վերաբերյալ ՖՀՄՍ 16-ի ուղեցույցի կիրառումից: Օժանդակությունը նախատեսված չէ վարձատուների համար: Որպես գործնական մոտեցում վարձակալը կարող է ընտրել՝ չգնահատել՝ արդյոք կորոնավիրուսային համավարակով պայմանավորված վարձավճարի զիջումը վարձակալության պայմանագրի վերափոխում է, թե ոչ: Նման ընտրություն իրականացրած վարձակալը հաշվառում է կորոնավիրուսային համավարակի հետևանքով վարձակալության վճարի զիջման հետ կապված ցանկացած փոփոխություն այնպես, ինչպես կհաշվառեր փոփոխությունը համաձայն ՖՀՄՍ 16-ի, եթե այն չլիներ վարձակալության վերափոխում: Այս մոտեցումը կարող է կիրառվել միայն այն դեպքում, երբ վարձավճարների զիջումը տեղի է ունենում որպես կորոնավիրուսային համավարակի ուղղակի հետևանք, և եթե բավարարված են ստորև նշված բոլոր պայմանները՝

- վարձակալության վճարների փոփոխությունը հանգեցնում է վարձակալության վերանայված հատուցման, որն ըստ էության նույնն է կամ ավելի ցածր է, քան փոփոխությանը անմիջապես նախորդող վարձակալության հատուցումը.
- վարձակալական վճարների ցանկացած կրճատում ազդում է միայն այն վարձավճարների վրա, որոնց վճարումները նախատեսված են 2021թ-ի հունիսի 30-ին կամ դրանից շուտ (օրինակ՝ վարձակալության վճարի զիջումը կարող է բավարարել այս պայմանին, եթե այն հանգեցնում է վարձակալության վճարների կրճատման մինչև 2021թ-ի հունիսի 30-ը և վարձակալության վճարների հետագա աճի 2021թ-ի հունիսի 30-ից հետո).
- Վարձակալության պայմանագրի այլ դրույթներում և պայմաններում բովանդակային փոփոխություններ տեղի չեն ունեցել:

Բացառության կիրառումը վարձակալի կողմից թույլատրվում է, բայց չի պարտադրվում:

Վարձակալության վճարների զիջումների հաշվառումը, որոնք հաշվառված չեն որպես վարձակալության վերափոխումներ

ՖՀՄՍ 16-ի փոփոխությունը հստակ ուղեցույց չի տալիս այն մասին, թե ինչպես է վարձակալը հաշվառում վարձակալության վճարի զիջումը՝ նկարագրված մոտեցումը կիրառելիս: Նշվում է, որ ընտրություն կատարելիս վարձակալը վարձակալության վճարների ցանկացած փոփոխություն, որն առաջացել է կորոնավիրուսային համավարակի հետ կապված վարձավճարների զիջումից, հաշվառում է նույն կերպ, ինչպես կհաշվառեր փոփոխությունը ՖՀՄՍ 16-ի համաձայն, եթե փոփոխությունը չլիներ վարձակալության վերափոխում: Կան որպես վարձակալության վերափոխում չհաշվառվող վարձակալության վճարի զիջման մի քանի հնարավոր մոտեցումներ, այդ թվում.

1. Վարձակալության վճարների ներման կամ հետաձգման ձևով զիջման հաշվառում՝ որպես բացասական փոփոխական վարձակալության վճար,
2. Վարձակալության վճարների ներման կամ հետաձգման ձևով զիջման հաշվառում՝ որպես պայմանական չափանիշի բավարարում, որը ֆիքսում է նախկին փոփոխական վարձակալության վճարները,
3. Վճարների հետաձգման ձևով զիջման հաշվառում այնպես, կարծես վարձակալությունը փոփոխված չէ:

2. Հաշվապահական հաշվառման քաղաքականությունը

2.1 Ներդրումներ ասոցիացված կազմակերպություններում

Ասոցիացված կազմակերպություններում ներդրումներից շահաբաժինների եկամուտը ճանաչվում է, երբ հաստատվում է Կազմակերպության՝ վճարումներ ստանալու իրավունքը: Այն ներառված է այլ եկամուտներում:

2.2 Հասույթի ճանաչումը

Հասույթը կազմակերպության առօրյա գործունեությունից առաջացող տնտեսական օգուտների համախառն ներհոսքն է՝ բացառությամբ ֆուտբոլիստների գրանցման վաճառքի դիմաց տրանսֆերային վճարներից և առնչվող հարկերից:

Հասույթը չափվում է ստացված կամ ստացվելիք հատուցման իրական արժեքով և ներկայացնում է շուկայի մասնակիցների միջև սովորական գործարքում ակտիվի վաճառքի կամ ծառայության մատուցման դիմաց վճարվող գումար առանց զեղչերի և համապատասխան հարկերի:

Տոմսերի իրացում կամ խաղային օրերի հասույթ

Խաղային օրերի հասույթը ճանաչվում է հաշվետու տարվա ընթացքում. յուրաքանչյուր խաղային օրվա հասույթ պետք է ճանաչվի, միայն երբ խաղային հանդիպումն արդեն իսկ կայացել է: Խաղային օրվա հասույթը, որը ստացվել է որպես կանխավճար մինչև հաշվետու տարվա ավարտը, սակայն վերաբերում է հաջորդ մրցաշրջանին (օրինակ տոմսերի սեզոնային վաճառք), պետք է ձևակերպվի որպես հետաձգված եկամուտ (հասույթ) և ճանաչվի խաղային հանդիպումների կայացմանը զուգընթաց:

Հովանավորչություն և գովազդ

Հովանավորչությունն ու գովազդն ընդգրկում են ակումբի գլխավոր հովանավորին, այլ հովանավորներին, մարզադաշտի եզրագծային և ցուցադրվող գովազդը, ինչպես նաև ցանկացած այլ տեսակի հովանավորչություն և գովազդային գործունեություն:

Հեռարձակման իրավունքներ

Հեռարձակման իրավունքներից հասույթն իրենից ներկայացնում է ՋԼՄ-ների հետ կնքված տնային պայմանագրերից ստացվող միջոցները: Հեռուստատեսային շուկայի ներկայացվածության հիման վրա բաշվող, ինչպես նաև մասնակցության վճարները ճանաչվում են խաղային հանդիպումների կայացմանը զուգընթաց: Ակումբի խաղային նվաճումներից մրցանակային գումարները ճանաչվում են, երբ դրանց ստացումը դառնում է որոշակի:

Առևտրային հասույթ

Առևտրային հասույթը բաղկացած է մանրածախ իրացումներից, սնունդի և խմիչքի վաճառքից, համագումարների կազմակերպումից (ոչ խաղային օրերին), վիճակախաղերի կազմակերպումից և այլ կեպ շղասակարգված առևտրային հասույթից:

ՈՒԵՖԱ-ի համերաշխության և մրցանակային գումարներ

ՈՒԵՖԱ-ի մրցանակային գումարները ՈՒԵՖԱ ակումբային մրցաշարերին մասնակցության դիմաց ստացվող միջոցներն են: Հեռուստատեսային շուկայի ներկայացվածության հիման վրա բաշվող, ինչպես նաև մասնակցության վճարները ճանաչվում են խաղային հանդիպումների կայացմանը գույրնթաց: Ակումբի խաղային նվաճումներից մրցանակային գումարները ճանաչվում են, երբ դրանց ստացումը դառնում է որոշակի: ՈՒԵՖԱ համերաշխության վճարները ճանաչվում են որպես եկամուտ, երբ ստացվելիք գումարը դառնում է որոշակի:

Այլ գործարքներից ստացված հասույթը ճանաչվում է հետևյալ պայմանների առկայության դեպքում.

- Կազմակերպությունը ծառայություններ կամ ապրանքներ ստացողին է փոխանցել աշխատանքների արդյունքները,
- Կազմակերպությունը չի պահպանում տիրապետման կամ կառավարման իր իրավունքը՝ ապրանքների կամ մատուցված ծառայությունների արդյունքների հետագա օգտագործման նկատմամբ,
- հնարավոր է արժանահավատորեն չափել հասույթի գումարը,
- հավանական է, որ գործարքի հետ կապված տնտեսական օգուտները կհոսեն Կազմակերպություն,
- հնարավոր է արժանահավատորեն չափել գործարքի հետ կապված կատարված կամ կատարվելիք ծախսերը:

2.3 Փոխառության ծախսեր

Փոխառության բոլոր ծախսերը ճանաչվում են այն ժամանակաշրջանի շահույթում կամ վնասում, որի ընթացքում տեղի են ունեցել այդ ծախսերը:

2.4 Հիմնական միջոցներ

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման կամ կառուցման գինը, ներկրման տուրքերը, հարկերը և պարտադիր այլ վճարները, որոնք ենթակա չեն վերադարձման, և այդ հիմնական միջոցին ուղղակիորեն վերագրվող այլ ծախսումները:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից հասույթի ու ակտիվի հաշվեկշռային արժեքի տարբերությամբ և ճանաչվում է համապարփակ ֆինանսական արդյունքների մասին հաշվետվությունում:

Մաշվածությունը ճանաչվում է ֆինանսական արդյունքների մասին հաշվետվությունում՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում:

Ըստ դասերի՝ հիմնական միջոցների գնահատված օգտակար ծառայության ժամկետները հետևյալն են.

Տրանսպորտային միջոցներ	-	5 տարի
Սպորտային և տնտեսական գույք, սարքավորումներ	-	5 տարի
Մարզահամալիր	-	20 տարի
Այլ հիմնական միջոցներ	-	10 տարի

Եթե կա որևէ հայտանիշ, որ տեղի է ունեցել ակտիվի մաշվածության դրույքաչափի, օգտակար ծառայության կամ մնացորդային արժեքի էական փոփոխություն, ապա տվյալ ակտիվի մաշվածությունը վերանայվում է այնպես, որ ապագայում ճիշտ արտացոլի նոր ակնկալիքները:

Հիմնական միջոցի վրա կատարված ծախսումները կապիտալացվում են միայն այն ժամանակ, երբ դրանք ավելացնում են այդ հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները՝ ներառյալ վերանորոգման ու պահպանման, ճանաչվում են ֆինանսական արդյունքների մասին հաշվետվություններում դրանց կատարման ժամանակաշրջանում: Վարձակալված հիմնական միջոցների վրա կատարված կապիտալ վերանորոգման ծախսերը կապիտալացվում են և հիմնական միջոցների կազմում ներկայացվում են առանձին դասով: Դրանց նկատմամբ հաշվարկվում է մաշվածություն, օգտակար ծառայության ժամկետ է հանդիսանում վարձակալության ժամկետը:

2.5 Ներդրումային գույք

Ակտիվը՝ հողը կամ շենքը, որը պահվում է սեփականատիրոջ մոտ, ճանաչվում է որպես ներդրումային գույք՝ վարձակալությունից եկամուտ վաստակելու կամ դրա արժեքի աճի, կամ էլ միաժամանակ այդ երկու նպատակներով:

Ներդրումային գույքը առաջացնում է դրամական միջոցների հոսքեր, որոնք մեծապես անկախ են Կազմակերպության կողմից պահվող այլ ակտիվներից:

Կազմակերպությունն իր ամբողջ ներդրումային գույքը (բացառությամբ այն գույքի, որը համապատասխանում է վաճառքի համար պահվող դասակարգվելու չափանիշին) չափում է ինքնարժեքով (սկզբնական արժեքով)՝ ներառելով գործառնության հետ կապված ծախսումները: Գնված ներդրումային գույքի ինքնարժեքը ներառում է դրա գնման գինը և գույքի ձեռքբերմանն ուղղակիորեն վերագրելի ցանկացած ծախսում:

Ներդրումային գույքի (բացառությամբ այն գույքի, որը համապատասխանում է վաճառքի համար պահվող դասակարգվելու չափանիշին) մաշվածությունը ճանաչվում է ֆինանսական արդյունքների մասին հաշվետվությունում՝ կիրառելով գծային մեթոդը:

2.6 Ոչ նյութական ակտիվներ

Ոչ նյութական ակտիվները սահմանվում են սկզբնական արժեքով՝ հանած կուտակված մաշվածությունը և արժեզրկումից կորուստները: Դրանք ամորտիզացվում են իրենց օգտակար ծառայության ընթացքում՝ կիրառելով ուղղագծային մեթոդը: Եթե կա որևէ հայտանիշ, որ տեղի է ունեցել ոչ նյութական ակտիվի ամորտիզացիայի դրույքաչափի, օգտակար ծառայության կամ մնացորդային արժեքի էական փոփոխություն, ապա ամորտիզացիան պետք է վերանայվի այնպես, որ արտացոլի նոր ակնկալիքները:

Տրանսֆերային և ֆուտբոլիստների գրանցման ձեռքներմանն ուղղված այլ բնորոշ ծախսերը կապիտալացվում են որպես ոչ ընթացիկ ոչ նյութական ակտիվներ: Այս ծախսերը տարեկան հավասար մասնաբաժիններով ամորտիզացվում են ֆուտբոլիստի պայմանագրային ժամկետին գույքընթաց: Մանկապատանեկան թիմերից փոխադրվող խաղացողներին առնչվող ծախսերը կապիտալացման ենթակա չեն:

Եթե պայմանագրի ժամկետը վերանայվում է, չամորտիզացված գումարը, ինչպես նաև պայմանագրային ժամկետի երկարաձգման առնչությամբ ծագած նոր ծախսերը, ամորտիզացվում են համաձայն նոր պայմանագրի:

Ցանկացած տրանսֆերային վճար, որի իրականացումը պայմանավորված է մեկ կամ ավելի ապագա անորոշ դեպքերի արդյունքից, կապիտալացվում է, երբ հավանական է, որ այդ իրադարձությունը տեղի կունենա:

Ֆուտբոլիստների գրանցումներն արժեզրկման արդյունքում դուրս են գրվում, երբ դրանց հաշվեկշռային արժեքը գերազանցում է վաճառքի կամ օգտագործման փոխհատուցվող գումարը:

2.7 Ակտիվների արժեզրկում

Յուրաքանչյուր հաշվետու ամսաթվի դրությամբ Կազմակերպության հիմնական միջոցները, ոչ նյութական ակտիվները վերանայվում են՝ պարզելու, թե կա արդյոք որևէ հայտանիշ, որ տվյալ ակտիվները կրել են արժեզրկումից կորուստներ: Եթե առկա է հնարավոր արժեզրկման որևէ հայտանիշ, ապա արժեզրկվող ակտիվի (կամ կից ակտիվների խումբ) փոխհատուցվող գումարը գնահատվում է և համեմատվում հաշվեկշռային արժեքի հետ: Եթե գնահատված փոխհատուցվող գումարը ավելի ցածր է հաշվեկշռային արժեքից, ապա հաշվեկշռային արժեքը նվազեցվում է մինչև գնահատված փոխհատուցվող գումար, իսկ արժեզրկումից կորուստը անմիջապես ճանաչվում է շահույթում կամ վնասում:

Նույն կերպ յուրաքանչյուր հաշվետու ամսաթվի դրությամբ պաշարները գնահատվում են՝ պաշարների յուրաքանչյուր հոդվածի (կամ համանման հոդվածների խմբի) հաշվեկշռային արժեքը դրա վաճառքի գնի՝ հանած համալրման և վաճառքի ծախսումները, հետ համեմատելով: Եթե պաշարների որևէ հոդված (կամ համանման հոդվածների խումբը) արժեզրկվել է, ապա հաշվեկշռային արժեքը նվազեցվում է մինչև վաճառքի գին՝ հանած համալրման ու վաճառքի ծախսումները, իսկ արժեզրկումից կորուստն անմիջապես ճանաչվում է շահույթում կամ վնասում:

Եթե արժեզրկումից կորուստը համապատասխանաբար հակադարձվում է, ապա ակտիվի (կամ կից ակտիվների խմբի) հաշվեկշռային արժեքը ավելացվում է մինչև դրա

փոխհատուցվող գումարի վերանայված, գնահատված արժեքը (պաշարների դեպքում՝ վաճառքի գին՝ հանած համալրման և վաճառքի ծախսումները), բայց այնպես, որ ավելացված արժեքը չգերազանցի այն գումարը, որը սահմանված կլինի, եթե ակտիվի (կից ակտիվների խմբի) արժեզրկումից կորուստ ճանաչված չլինի նախորդ տարիների համար: Արժեզրկումից կորստի հակադարձումը անմիջապես ճանաչվում է շահույթում կամ վնասում:

2.8 Վարձակալություններ

Վարձակալությունը դասակարգվում է որպես ֆինանսական բոլոր այն դեպքերում, երբ փոխանցվում են վարձակալված ակտիվի սեփականության հետ կապված, ըստ էության, բոլոր ռիսկերն ու հատույցները: Մնացած բոլոր վարձակալությունները դասակարգված են որպես գործառնական վարձակալություն:

Ֆինանսական վարձակալությամբ պահվող ակտիվների նկատմամբ իրավունքները ճանաչվում են որպես ակտիվներ՝ վարձակալված գույքի իրական արժեքին հավասար գումարով (կամ եթե ավելի ցածր է, նվազագույն վարձավճարների ներկա արժեքով)՝ վարձակալության սկզբի դրությամբ: Վարձատուի նկատմամբ ունեցած համապատասխան ֆինանսական պարտավորությունը ներառվում է ֆինանսական վիճակի մասին հաշվետվության մեջ՝ որպես ֆինանսական վարձակալության գծով պարտավորություն: Վարձավճարները հավասարապես բաշխվում են ֆինանսական վճարի և չվճարված պարտավորության նվազեցման միջև այնպես, որ ստացվի հաստատուն տոկոսադրույք ժամանակաշրջանի պարտավորության մնացորդի նկատմամբ: Ֆինանսական վճարները պահվում են շահույթի կամ վնասի չափումից: Ֆինանսական վճարները ներառված են հիմնական միջոցների մեջ, որոնք մաշվում և գնահատվում են ճիշտ այնպես, ինչպես սեփական ակտիվները:

Գործառնական վարձակալության շրջանակներում վճարվելիք վարձավճարները հաշվվում են շահույթում կամ վնասում՝ վարձակալության տևողության նկատմամբ գծային հիմունքով:

2.9 Պաշարներ

Պաշարները չափվում են սկզբնական արժեքից և իրացման գուտ արժեքից նվազագույնով:

Պաշարների սկզբնական արժեքը ներառում է պաշարների ձեռքբերման և արտադրման ծախսերը, ինչպես նաև դրանք իրենց ներկայիս վիճակին ու գտնվելու վայր հասցնելու հետ կապված այլ ծախսերը:

Իրացման գուտ արժեքը վաճառքի ենթադրվող գինն է՝ հանած համալրման (վերանորոգման) ենթադրվող ծախսումները, ինչպես նաև վաճառքի կազմակերպման համար անհրաժեշտ ենթադրվող ծախսումները: Իրացման գուտ արժեքի գնահատումները հիմնվում են պաշարների իրացումից սպասվելիք գումարի՝ գնահատման պահին հասանելի առավել արժանահավատ վկայության վրա: Այդ գնահատումները կատարելիս հաշվի են առնվում հաշվետու ժամանակաշրջանի ավարտից հետո տեղի ունեցած դեպքերի հետ ուղղակիորեն կապված գների կամ ծախսումների տատանումներն այնքանով, որքանով նման դեպքերը հաստատում են ժամանակաշրջանի վերջի դրությամբ առկա պայմանները:

Կազմակերպությունը ճշգրտում է պաշարների արժեքը մինչև վերականգնվող արժեք՝ դանդաղ շրջանառելի և վնասված պաշարների համար ստեղծելով «Ապրանքանյութական պաշարների փչացման ու հնացման» պահուստ:

2.10 Ֆինանսական գործիքներ

Ֆինանսական ակտիվները կամ ֆինանսական պարտավորությունները ճանաչվում են, երբ Կազմակերպությունը դառնում է ֆինանսական գործիքի պայմանագրային կողմ:

Ֆինանսական ակտիվներն ապահանջվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ երբ փոխանցվում են ֆինանսական ակտիվները, բոլոր նշանակալից ռիսկերն ու հատուցումները:

Ֆինանսական պարտավորություններն ապահանջվում են, երբ դրանք մարվում են, վճարման ենթակա չեն, չեղյալ են ճանաչվել, կամ լրացել է դրանց ուժի մեջ լինելու ժամկետը:

Ֆինանսական ակտիվները կամ ֆինանսական պարտավորությունները սկզբնապես ճանաչվում են իրական արժեքով՝ գումարած գործարքի հետ կապված ծախսումները՝ բացառությամբ այն ֆինանսական ակտիվների ու ֆինանսական պարտավորությունների, որոնք սկզբնապես դասակարգվում են որպես ֆինանսական ակտիվներ ու ֆինանսական պարտավորություններ՝ չափվող իրական արժեքով (շահույթի կամ վնասի միջոցով):

Ֆինանսական ակտիվներն ու պարտավորությունները հաշվանցվում են ֆինանսական վիճակի մասին հաշվետվությունում՝ արտացոլվելով զուտ գումարով միայն այն դեպքում, եթե Կազմակերպությունն ունի ճանաչված գումարները հաշվանցելու իրավաբանորեն ամրագրված իրավունք, ինչպես նաև հաշվարկը զուտ հիմունքով իրականացնելու կամ միաժամանակ ակտիվն իրացնելու և պարտավորությունը մարելու մտադրություն:

Ֆինանսական ակտիվների ու ֆինանսական պարտավորությունների հետագա չափումը ներկայացված է ստորև:

Ֆինանսական ակտիվներ

Ֆինանսական ակտիվները, բացառությամբ հեջավորման գործիքների, բաժանվում են հետևյալ կատեգորիաների՝

- ✓ փոխառություններ և դեբիտորական պարտքեր,
- ✓ ֆինանսական ակտիվներ՝ չափվող իրական արժեքով՝ շահույթի կամ վնասի միջոցով,
- ✓ վաճառքի համար մատչելի ֆինանսական ակտիվներ,
- ✓ մինչև մարման ժամկետը պահվող ներդրումներ:

Ֆինանսական ակտիվները սկզբնական ճանաչման ժամանակ վերագրվում են տարբեր կատեգորիաների՝ կախված գործիքի բնույթից և նպատակից: Ֆինանսական գործիքի կատեգորիան համապատասխանում է այն սկզբունքին, որով չափվում է տվյալ գործիքը, և որը ցույց է տալիս, թե իրական արժեքի փոփոխության արդյունքում ստացվող օգուտներն ու վնասները պետք է ճանաչվեն համապարփակ ֆինանսական արդյունքների մասին հաշվետվությունում կամ ուղղակիորեն սեփական կապիտալում: Կազմակերպության ֆինանսական ակտիվները, ըստ կատեգորիաների, ներկայացված են ծանոթագրություններում:

Ընդհանուր առմամբ, Կազմակերպության բոլոր ֆինանսական ակտիվները ճանաչվում են՝ օգտագործելով վերջնահաշվարկի ամսաթվի հաշվառումը: Ֆինանսական ակտիվի արժեզրկման գնահատումն իրականացվում է առնվազն յուրաքանչյուր հաշվետու ամսաթվի դրությամբ: Ֆինանսական ակտիվների հետ կապված բոլոր ծախսերը և եկամուտները ճանաչվում են ֆինանսական արդյունքների մասին հաշվետվությունում՝ համապատասխանաբար «Ֆինանսական ծախս» և «Ֆինանսական եկամուտ» հոդվածներում:

➤ Դեբիտորական պարտքեր

Ընթացիկ դեբիտորական պարտքերը ճանաչվում են իրական արժեքով: Հետագայում դրանք հաշվառվում են ամորտիզացված արժեքով՝ հանած արժեզրկման պահուստը: Դեբիտորական պարտքերի արժեզրկման պահուստը ստեղծվում է այն ժամանակ, երբ առկա է օբյեկտիվ ապացույց, որ Կազմակերպությունը սկզբնապես սահմանված ժամկետներում չի կարող հավաքագրել վերադարձման ենթակա բոլոր գումարները: Դեբիտորի գգալի ֆինանսական դժվարությունները, վճարման հետաձգումը և ժամանակին չվճարումը (365 օրից ավել) ցուցանիչ են այն բանի, որ դեբիտորական պարտքն արժեզրկված է: Պահուստի գումարը ակտիվի հաշվեկշռային արժեքի և սկզբնական արդյունավետ տոկոսադրույքով գեղչված ապագա դրամական հոսքերի ներկա արժեքի տարբերությունն է:

Պահուստի մնացորդը ճշգրտվում է հաշվետու ժամանակաշրջանի համապարփակ ֆինանսական արդյունքների մասին հաշվետվությունում՝ ծախսի կամ եկամտի ճանաչման միջոցով: Հաճախորդի հաշվի մնացորդից դուրս գրվող ցանկացած գումար նվազեցվում է առկա կասկածելի դեբիտորական պարտքի պահուստից: Բոլոր դեբիտորական պարտքերը, որոնց հավաքագրումը գնահատվում է որպես անհավանական, դուրս են գրվում:

➤ Մնացորդներ դրամարկղում և բանկում

Դրամական միջոցների մնացորդները ներառում են դրամարկղում կանխիկ միջոցներ, ցպահանջ ավանդներ (բանկային հաշիվների մնացորդներ) և դրամական միջոցների համարժեքներ (կարճաժամկետ, բարձր իրացվելի ներդրումներ, որոնք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ):

Ֆինանսական պարտավորություններ

Կազմակերպության ֆինանսական պարտավորությունները ներառում են փոխառությունները, կրեդիտորական պարտքերը՝ ներառյալ ֆինանսական վարձակալության գծով պարտավորությունները, որոնք հաշվառվում են ամորտիզացված արժեքով՝ օգտագործելով արդյունավետ տոկոսադրույքի մեթոդը: Կազմակերպության ֆինանսական պարտավորությունները ներկայացված են ծանոթագրություններում:

➤ Վարկեր և փոխառություններ

Վարկերը և փոխառությունները (եթե լինեն այդպիսիք) սկզբնապես ճանաչվում են իրական արժեքով՝ առանց գործարքային ծախսերի: Սկզբնական ճանաչումից հետո վարկերը և փոխառությունները չափվում են ամորտիզացված արժեքով, իսկ այդ արժեքի և մարման

արժեքի միջև տարբերությունը փոխառության ժամկետի ընթացքում ճանաչվում է համապարփակ ֆինանսական արդյունքների մասին հաշվետվությունում՝ արդյունավետ տոկոսադրույքի մեթոդով: Տոկոսավճարները և փոխառությունների հետ կապված այլ ծախսերը ծախսագրվում են կատարմանը զուգահեռ՝ որպես ֆինանսական ծախսերի մի մաս, բացի որակավորվող ակտիվի ձեռքբերմանը, կառուցմանը կամ արտադրությանն ուղղակիորեն վերագրվող փոխառության ծախսումներից, որոնք կապիտալացվում են որպես այդ ակտիվի արժեքի մաս:

➤ Կրեդիտորական պարտքեր

Կրեդիտորական պարտքերը պարտավորություններ են, որոնք հաշվվում են վճարման սովորական պայմաններով և չեն կրում տոկոսներ: Արտարժույթով առևտրային կրեդիտորական պարտքերը վերաձևակերպվում են տեղական արժույթով՝ կիրառելով հաշվետու ամսաթվի դրությամբ սահմանված փոխարժեքը: Արտարժույթի փոխարկումից օգուտները կամ վնասները ներառվում են այլ եկամուտներում կամ այլ ծախսերում:

2.11 Սեփական կապիտալ

Կազմակերպության սեփական կապիտալի տարրերն են կանոնադիր կապիտալը և կուտակված շահույթը կամ վնասը:

2.12 Հարկեր

Կազմակերպությունը հարկվում է ՀՀ օրենսդրությամբ սահմանված ընդհանուր կարգով:

Շահութահարկի գծով ծախսը ներառում է ընթացիկ հարկի գծով պարտավորությունը և հետաձգված հարկը:

Ընթացիկ հարկ

Ընթացիկ հարկի գծով պարտավորությունը հիմնված է ժամանակահատվածի հարկվող շահույթի վրա: Հարկվող շահույթը տարբերվում է «շահույթ մինչև հարկումը» հասկացությունից՝ եկամտի և ծախսի այնպիսի տարրերի պատճառով, որոնք հարկման կամ նվազեցման ենթակա են այլ հաշվետու ժամանակաշրջաններում, ինչպես նաև այն տարրերի, որոնք երբևէ չեն հարկվելու կամ նվազեցվելու: Կազմակերպության ընթացիկ հարկային պարտավորությունները հաշվարկվում են՝ կիրառելով հաշվետու ժամանակաշրջանի վերջի դրությամբ ուժի մեջ մտած կամ, ըստ էության, ուժի մեջ մտած հարկի դրույքաչափերը:

Հետաձգված հարկ

Հետաձգված հարկերը ճանաչվում են ժամանակավոր տարբերությունների գծով, որոնք առաջանում են ֆինանսական հաշվետվություններում ճանաչված ակտիվների և պարտավորությունների հաշվեկշռային գումարների և հարկման բազաների միջև:

Հետաձգված հարկային պարտավորությունները ընդհանուր առմամբ ճանաչվում են բոլոր հարկվող ժամանակավոր տարբերությունների գծով: Հետաձգված հարկային ակտիվները ընդհանուր առմամբ ճանաչվում են բոլոր նվազեցվող ժամանակավոր տարբերությունների

զծով միայն այն չափով որքանով հավանական է, որ ապագայում առկա կլինի հարկման ենթակա շահույթ, որի դիմաց կարող են օգտագործվել նվազեցվող ժամանակավոր տարբերությունները: Նմանատիպ հետաձգված հարկային ակտիվները և պարտավորությունները չեն ճանաչվում այն ժամանակավոր տարբերությունների համար, որոնք առաջանում են ակտիվների և պարտավորությունների սկզբնական ճանաչման պահին (բացառությամբ գործարար միավորումների) այնպիսի գործարքների արդյունքում, որոնք ազդեցություն չունեն ինչպես հաշվապահական, այնպես էլ հարկվող շահույթի վրա:

Հետաձգված հարկային ակտիվի հաշվեկշռային արժեքը վերանայվում է յուրաքանչյուր հաշվետու ժամանակաշրջանի վերջում և նվազեցվում այն չափով, որով այլևս հավանական չէ, որ կստացվի բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել:

Հետաձգված հարկային պարտավորությունները և ակտիվները չափվում են հարկերի այն դրույքների օգտագործմամբ, որոնք ակնկալվում է, որ կկիրառվեն ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային օրենքները), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջում:

Հետաձգված հարկային պարտավորությունների և հետաձգված հարկային ակտիվների չափումն արտացոլում է հարկային հետևանքները, որոնք կառաջանան՝ կախված այն եղանակից, որով Կազմակերպությունը հաշվետու ժամանակաշրջանի վերջում ակնկալում է փոխհատուցել կամ մարել իր ակտիվների կամ պարտավորությունների հաշվեկշռային արժեքները:

Տարվա ընթացիկ և հետաձգված հարկեր

Ընթացիկ և հետաձգված հարկերը ճանաչվում են շահույթում կամ վնասում, բացառությամբ այն դեպքերի, երբ դրանք վերաբերում են տարրերի, որոնք ճանաչվել են այլ համապարփակ ֆինանսական արդյունքում կամ ուղղակիորեն սեփական կապիտալում: Նման դեպքում ընթացիկ և հետաձգված հարկերը նույնպես ճանաչվում են համապատասխանաբար այլ համապարփակ ֆինանսական արդյունքներում կամ ուղղակիորեն սեփական կապիտալում:

2.13 Պահուստներ

Պահուստները ճանաչվում են, երբ Կազմակերպությունը պարտավորություն է կրում (իրավական կամ փաստացի), որպես անցյալ դեպքերի արդյունք և հավանական է, որ Կազմակերպությունից կպահանջվի կատարել պարտականությունը և այդ պարտավորության գումարը արժանահավատորեն կարող է չափվել:

Պահուստում ճանաչված գումարն իրենից ներկայացնում է հաշվետու ժամանակաշրջանի վերջի դրությամբ լավագույն գնահատականը, որը կպահանջվի ներկա պարտավորությունը մարելու համար՝ հաշվի առնելով հարակից ռիսկերը և անորոշությունները: Եթե պահուստը չափվում է՝ օգտագործելով ներկա պարտավորության մարման համար գնահատված դրամական հոսքերը, ապա դրա հաշվեկշռային արժեքն իրենից ներկայացնում է այդ դրամական հոսքերի ներկա արժեքը (այն դեպքերում, եթե ժամանակի մեջ դրամի ազդեցությունն էական է):

Եթե ակնկալվում է, որ որևէ այլ կողմ անբողջությամբ կամ մասամբ փոխհատուցելու է պահուստը մարելու համար պահանջվող ծախսումները, ապա փոխհատուցումը պետք է դիտվի որպես առանձին ակտիվ, երբ ըստ էության որոշակի է, որ փոխհատուցումը կստացվի և փոխհատուցման գումարը կարող է արժանահավատորեն չափվել:

2.14 Արտարժույթ

Արտարժույթով դրամային հողվածները վերահաշվարկվել են ՀՀ դրամով՝ կիրառելով հաշվապահական հաշվեկշռի անսաթվի դրությամբ ԿԲ-ի միջին հաշվարկային փոխարժեքները.

Արտարժույթի տեսակ	31.12.2020 թ-ի դրությամբ	31.12.2019 թ-ի դրությամբ
1 ԱՄՆ դոլար	522.59 ՀՀ դրամ	479.70 ՀՀ դրամ
1 Եվրո	641.11 ՀՀ դրամ	537.26 ՀՀ դրամ
1 ՌԴ ռուբլի	7,02 ՀՀ դրամ	7,77 ՀՀ դրամ

Արտարժույթային գործարքներից, ինչպես նաև արտարժույթով արտահայտված դրամային հողվածների վերահաշվարկումից առաջացած փոխարժեքային տարբերությունները ճանաչվում են համապարփակ ֆինանսական արդյունքների մասին հաշվետվություն որպես այլ եկամուտ կամ ծախս:

3. Դրամական միջոցներ և համարժեքներ

(Ներկայացված է ՀՀ հազ. դրամներով)	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
<u>Կանխիկ</u>		
ՀՀ դրամ	36	12
<u>Հաշվարկային հաշիվ</u>		
ՀՀ դրամ	164	1,359
Արտարժույթ	49	63
Ընդամենը	249	1,434

4. Դեբիտորական պարտքեր, տրված կանխավճարներ և ընթացիկ հարկային ակտիվներ

(Ներկայացված է ՀՀ հազ. դրամներով)	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Դեբիտորական պարտքեր մատուցված ծառայությունների գծով	2,073	-
Հետաձգված հարկեր ԱԱՀ-ի գծով	31,111	26,910
Այլ դեբիտորական պարտքեր բյուջեին	-	6,209
Ընդամենը	33,184	33,119
Տրված կանխավճարներ մատակարարներին	1,566	419
Ընդամենը	1,566	419

5. Պաշարներ

(Ներկայացված է ՀՀ հազ. դրամներով)	Նյութեր	Սպորտային սարքեր	Ընդամենը
31 դեկտեմբերի 2019	7	-	7
31 դեկտեմբերի 2020	-	869	869

6. Հիմնական միջոցներ

ՀՀ հազ. դրամներով	Համակարգչային տեխնիկա	Մեքենաար-բախրումներ	Տրանսպորտային միջոցներ	Տնտեսական գույք	Մարդադաշտ	Ընդամենը
Արժեքը						
31 դեկտեմբեր 2019	10,895	8,531	7,180	15,679	185,262	227,547
Ավելացումներ	52	2,294	-	1,615	-	3,961
Պակասեցումներ	-	3,775	-	307	-	4,082
Վերագնահատումից աճ	-	-	-	-	-	-
31 դեկտեմբեր 2020	10,947	7,050	7,180	16,987	185,262	227,426
Կուտակված մաշվածք						
31 դեկտեմբեր 2019	7,794	7,025	2,336	12,843	43,786	73,784
Տարվա հատկացումներ	673	1,509	1,235	1,402	11,825	16,644
Պակասեցումներ	-	3,775	-	307	-	4,082
Արժեզրկում	-	-	-	-	-	-
31 դեկտեմբեր 2020	8,467	4,759	3,571	13,938	55,611	86,346
Հաշվեկշռային արժեք						
31 դեկտեմբեր 2019	3,101	1,506	4,844	2,836	141,476	153,763
31 դեկտեմբեր 2020	2,480	2,291	3,609	3,049	129,651	141,080

Կազմակերպությունը չունի գրավադրված հիմնական միջոցներ:

7. Կրեդիտորական պարտքեր

(Ներկայացված է ՀՀ հազ. դրամներով)

	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
Կրեդիտորական պարտքեր աշխատավարձի գծով	2,033	-
Կրեդիտորական պարտքեր հարկերի գծով	4,565	-
Կրեդիտորական պարտքեր սոցիալական վճարների գծով	-	-
Կրեդիտորական պարտքեր դրոշմանիշային և այլ պարտադիր վճարների գծով	-	88
Ընդամենը	6,598	88
Այլ կրեդիտորական պարտքեր մատակարարներին	34,889	34,927
Ընդամենը	34,889	34,927
Ստացված կանխավճարներ	-	-

8. Պահուստներ

(Ներկայացված է ՀՀ հազ. դրամներով)	Արձակուրդային վճարների պահուստ*	Ընդամենը
Արժեքը		
31 դեկտեմբեր 2019	3,703	3,703
Պահուստի համալրում	-	-
Պահուստի օգտագործում	-	-
31 դեկտեմբերի 2020	3,703	3,703
Ներառված ընթացիկ պարտավորություններում	3,703	3,703
Ներառված ընթացիկ ակտիվներում	-	-
Ներառված ոչ ընթացիկ պարտավորություններում	-	-
Ներառված ոչ ընթացիկ ակտիվներում	-	-
Ընդամենը	3,703	3,703

* Նախկինում Կազմակերպությունը ստեղծել է արձակուրդային վճարների պահուստ, 2020 թ-ին պահուստի չափը չի փոփոխել:

9. Հասույթ

(Ներկայացված է ՀՀ հազ. դրամներով)

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
ՈՒԵՖԱ համերաշխության և մրցանակային գումարներ		
Համերաշխության վճարներ	51,388	-
Մրցանակային գումարներ	-	2,500
Ընդամենը	51,388	2,500
Այլ գործառնական եկամուտներ		
Նվիրատվություններ ֆուտբոլային մարմինների կողմից	6,250	-
Դրամաշնորհներ կառավարությունից	2,269	-
Աջակցություններ, նվիրատվություններ չկապակցված կողմերից	3,568	-
Այլ եկամուտներ	85	-
Ընդամենը	12,172	-

10. Աշխատակիցների վարձատրության ծախսեր

(Ներկայացված է ՀՀ հազ. դրամներով)

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Ֆուտբոլիստներ		
Աշխատավարձ	50,288	18,672
Հարկային կամ սոցալ հատկացումներ	16,080	6,132
Ընդամենը	66,368	24,804
Այլ աշխատակիցներ		
Աշխատավարձ	36,295	38,464
Հարկային կամ սոցալ հատկացումներ	11,185	12,932
Ընդամենը	47,480	51,396

11. Այլ գործառնական ծախսեր

(Ներկայացված է ՀՀ հազ. դրամներով)

	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Ֆուտբոլային ծախսեր		
Ուսումնամարզական հավաքներ և խաղերի կազմակերպման ծախսեր	49,675	138,552
Հիմնական միջոցների սպասարկման և վերանորոգման ծախսեր	3,408	2,273
Պահնորդական ծառայություն	1,392	720
Սպորտային պարագաներ	36,488	14,348
Վճարներ ՀՖՖ-ին	1,245	9,073
Բուժօգնություն ֆուտբոլիստներին	10,114	6,893
Խաղերի կազմակերպման հետ կապված տուգանքներ	2,122	1,585
Ֆուտբոլային դաշտերի վարձակալություն	12,467	9,417
Ընդամենը	116,911	182,861

Վարչական ծախսեր		
Փոստի և հեռահաղորդակցության ծախսեր	187	154
Գործուղման ծախսեր	-	124
Վարձակալական ծախսեր	2,100	1,900
Գրասենյակային և կոմունալ ծախսեր	4,076	2,982
Խորհրդատվական և բանկային ծախսեր	1,176	1,159
Չփոխհատուցվող հարկեր	1,455	514
Այլ գործառնական ծախսեր	2,807	6,378
Ընդամենը	11,801	13,211

12. Փոխարժեքային օգուտ (վնաս)

Փոխարժեքային եկամուտը կամ ծախսը արտարժույթով արտահայտված ակտիվների վերագնահատուման արդյունքն է՝ 2020 թ-ին 1,330 հազ. դրամ վնաս, 2019 թ-ին 41 հազ. դրամ օգուտ:

13. Այլ ոչ գործառնական ծախսեր

(Ներկայացված է ՀՀ հազ. դրամներով)	2020թ. դեկտեմբերի 31-ին ավարտված տարի	2019թ. դեկտեմբերի 31-ին ավարտված տարի
Երաշխիքային սպասարկման և վերանորոգման ծախսեր	-	339
Տույժ տուգանքներ	533	217
Այլ ծախսեր	341	243
Ընդամենը	874	799

14. Այլ բացահայտումներ, համաձայն UEFA-ի պահանջների

- 2021 թ-ի մարտի 31-ի դրությամբ Կազմակերպությունը չունի տրանսֆերների գծով ժամկետանց պարտքեր, որոնք վերաբերվում են 2020 թ-ին:
- 2021 թ-ի մարտի 31-ի դրությամբ Կազմակերպությունը չունի ժամկետանց պարտքեր աշխատակիցներին, չվճարված աշխատավարձերի և այլ հատուցումների գծով, որոնք վերաբերվում են 2020 թ-ին:
- 2021 թ-ի մարտի 31-ի դրությամբ Կազմակերպությունը չունի ժամկետանց պարտքեր հարկերի և այլ պարտադիր վճարների գծով, որոնք վերաբերվում են 2020 թ-ին:
- 2021 թ-ի մարտի 31-ի դրությամբ Կազմակերպությունը չունի 2020 թ-ին վերաբերվող ժամկետանց պարտավորություններ այլ ֆուտբոլային ակումբների նկատմամբ:

15. Կապակցված կողմերի բացահայտում

Համաձայն ՀՀՍՍ 24 «Կապակցված կողմերի բացահայտում» ստանդարտի, կողմերը համարվում են կապակցված, եթե նրանցից մեկը կարող է վերահսկել մյուսին, կամ նշանակալի ազդեցություն ունենալ մյուսի վրա՝ ֆինանսական և գործառնական որոշումներ կայացնելիս:

(Ներկայացված է ՀՀ հազ. դրամներով)	2020թ.	2019թ.
Հրաչ-Ներսես Կապրիելյանից ստացված փոխառություն ¹		
Տարեկան շրջանառությունը	(158,988)	240,619
Կազմակերպության պարտքը տարեվերջի դրությամբ	81,631	240,619
Վարդան Սիրմակեսից ստացված փոխառություն ²		
Տարեկան շրջանառությունը	-	-
Կազմակերպության պարտքը տարեվերջի դրությամբ	2,149	2,149
«Սիրկապ Արմենիա» ՓԲԸ ³-ից մարզահամալիրի վարձատվություն և այլ ծառայություններ		
Տարեկան շրջանառությունը	3,056	2,254
Կազմակերպության պարտքը տարեվերջի դրությամբ	15,360	12,304
«Սիրկապ Արմենիա» ՓԲԸ ³-ից ստացված փոխառություն		
Տարեկան շրջանառությունը	-	6,477
Կազմակերպության պարտքը տարեվերջի դրությամբ	31,289	31,289
«Սիրկապ Արմենիա» ՓԲԸ Երևանի մ/ճ - շինանյութի մատակարարում		
Տարեկան շրջանառությունը	-	-
Կազմակերպության պարտքը տարեվերջի դրությամբ	110	110
«Իտարկո Քոնսթրաքշն» ՓԲԸ ⁴ - շինանյութի մատակարարում և շինարարական ծառայություններ		
Տարեկան շրջանառությունը	-	-
Կազմակերպության պարտքը տարեվերջի դրությամբ	562	562

¹ Հրաչ-Ներսես Կապրիելյանը հանդիսանում է Կազմակերպության բաժնետերը՝ 79.3 % բաժնեմասով:

² Վարդան Սիրմակեսը հանդիսանում է Կազմակերպության բաժնետերը՝ 19.8 % բաժնեմասով:

³ Կազմակերպության բաժնետերեր՝ Հրաչ-Ներսես Կապրիելյանը և Վարդան Սիրմակեսը հանդիսանում են «Սիրկապ Արմենիա» ՓԲԸ-ի բաժնետերերը՝ յուրաքանչյուրը 50% բաժնեմասով:

⁴ Կազմակերպության բաժնետերեր՝ Հրաչ-Ներսես Կապրիելյանը և Վարդան Սիրմակեսը հանդիսանում են «Իտարկո Քոնսթրաքշն» ՓԲԸ-ի բաժնետերերը՝ յուրաքանչյուրը 50% բաժնեմասով:

16. Արտաքին միջավայրը և Կազմակերպության գործունեությունը

Կազմակերպությունն իր գործունեությունն իրականացնում է Հայաստանի Հանրապետությունում և նրա գործունեության վրա ուղղակի ազդեցություն ունեն Հայաստանի տնտեսական վիճակը և ֆինանսական շուկաները, որոնց բնորոշ են զարգացող շուկայի հատկանիշները: Իրավական, հարկային և օրենսդրական համակարգերը շարունակում են զարգանալ, սակայն կարող են ունենալ տարբեր մեկնաբանություններ և ենթակա են հաճախակի փոփոխությունների, ինչը, այլ իրավական ու ֆինանսական խոչընդոտների հետ մեկտեղ, կարող է լրացուցիչ բարդություններ ստեղծել Հայաստանում գործող կազմակերպությունների համար:

Ինչպես դիտվել է նախկինում, փաստացի կամ թվացյալ ֆինանսական խնդիրները կամ ներդրումների հետ կապված հնարավոր ռիսկերը հաճախ բացասական ազդեցություն են ունենում Հայաստանի ներդրումային միջավայրի և նրա տնտեսության ընդհանուր վիճակի վրա: Կազմակերպության ակտիվների վրա բացասական ազդեցություն կարող են ունենալ ընդհանուր տնտեսական վիճակը, օրենսդրական և աշխարհաքաղաքական փոփոխությունները, որոնք բոլորն էլ ունեն ակտիվների գնահատման, ներդրողների ընդհանուր տրամադրվածության և որոշումների կայացման վրա ուղղակի ազդեցություն: Այս ամենը դուրս է Կազմակերպության վերահսկողությունից:

Երկրի ապագա տնտեսական զարգացման հիմնական ուղղության վրա իրավական, կանոնակարգման և քաղաքական զարգացման հետ միասին զգալիորեն ազդում են կառավարության կողմից ընդունված հարկաբյուջետային և դրամավարկային քաղաքականությունները: Ղեկավարությունը հնարավորություն չունի կանխատեսել բոլոր ապագա զարգացումները, որոնք կարող են ազդեցություն ունենալ տնտեսության վրա: Հետևաբար չի կարող կանխատեսել նաև դրանց հետևանքային ազդեցությունը Կազմակերպության գուտ ակտիվների արժեքի փոփոխության վրա: Ներկայացված ֆինանսական հաշվետվությունները արտացոլում են ընթացիկ գործառնական և բիզնես միջավայրի ազդեցությունը Կազմակերպության գործունեության և ֆինանսական արդյունքների վրա: Ապագա գործարար միջավայրը կարող է տարբերվել ղեկավարության գնահատումներից:

2020 թ-ի ընթացքում կորոնավիրուսի և նրա կանխարգելիչ միջոցառումների ազդեցությունները սահմանափակել են գործառնությունների ծավալները ֆինանսական շուկաներում, և դրա հետևանքով ֆինանսական գործիքների իրական արժեքները կարող են չհամապատասխանել իրականացված և հաշվառված ցուցանիշներին: Իհարկե պետք է հաշվի առնել նաև այն հանգամանքը, որ այս խնդիրը շարունակվում է և մնում է օրակարգային 2021թ-ին:

Այս հաշվետվությունները օգտագործողները պետք է իրենց դատողություններն անեն հաշվի առնելով դրանց պատրասման օրվա և այդ օրվան հաջորդող իրադարձությունները՝ կոռոնավիրուսի և նրա կանխարգելիչ միջոցառումների ազդեցությունը ֆինանսական հաշվետվությունների ցուցանիշների վրա, եթե կլինեն այդպիսիք, որոնք կարող են անհրաժեշտ համարվել: Մասնավորապես այնպիսի հարցերի վերաբերյալ ինչպիսիք են.

- ակնկալվող պարտքային կորուստների գնահատումը,
- արժեզրկման հետևանքով ակտիվների փոխհատուցվող գումարների գնահատումը,
- փոխառության ծախսումների կապիտալացումը,

- հասույթի գնահատման վերանայումը, անավարտ պայմանագրերի մասով ակտիվների արժեզրկումը,
- վարձակալության ժամկետների գնահատումը:

2020 թ-ին Կազմակերպությունը ունեցել է բավարար շրջանառու միջոցներ՝ ի հաշիվ վերցված փոխառությունների:

17. Համավարակի ազդեցությունը

2020 թ-ի մարտի 11-ին Առողջապահության Համաշխարհային Կազմակերպությունը (ԱՀԿ) հայտարարեց, որ կորոնավիրուսի տարածումը կարող է բնութագրվել որպես համավարակ:

Վիրուսը զգալի ազդեցություն է ունեցել համաշխարհային տնտեսության վրա: Կազմակերպություններն առնչվեցին կորցրած եկամուտների և խափանված մատակարարման շղթաների խնդիրների հետ: Չնայած նրան, որ որոշ երկրներ փորձեցին մեղմացնել սահմանափակումները՝ մեղմացումը աստիճանական են եղել, և կազմակերպությունների գործունեության ընդհատման արդյունքում միլիոնավոր աշխատակիցներ կորցրեցին իրենց աշխատանքը: Համավարակը զգալի անկայունության հանգեցրեց ամբողջ աշխարհի ֆինանսական և ապրանքային շուկաները: Տարբեր երկրների կառավարություններ ձեռնարկեցին միջոցառումներ՝ տնտեսության տուժած ճյուղերին և կազմակերպություններին ֆինանսական և ոչ ֆինանսական օժանդակություն ցուցաբերելու համար:

Տնտեսական արգելափակումն ազդել է նաև կազմակերպությունների վարձակալության պայմանագրերի վրա: Հայաստանում կորոնավիրուսի տարածման պահից ի վեր ՀՀ Կառավարությունը ներկայացրել է COVID-19-ի հետևանքների չեզոքացման երկու տասնյակից ավել ծրագրեր, որոնցից մի մասն ուղղված են վիրուսի սոցիալական ազդեցության դեմ պայքարին, իսկ մնացած ծրագրերը՝ վիրուսի տնտեսական հետևանքների չեզոքացմանը:

18. Ֆինանսական ռիսկեր

ՀՀ դրամի և այլ արժույթների միջև փոխարժեքային տատանումները ուղղակի ազդեցություն ունեն կազմակերպության գործունեության վրա: Փոխարժեքների համեմատաբար կայուն վիճակը արտացոլում է համաշխարհային ֆինանսական ճգնաժամի պայմաններում Հայաստանի կառավարության կողմից իրականացվող դրամավարկային քաղաքականության արդյունքները: Սակայն ՀՀ թույլ զարգացած տնտեսությանը այսօր էլ խոչընդոտում են տնտեսական և ինստիտուցիոնալ զարգացման ցածր մակարդակը՝ զուգակցված տարածաշրջանային անկայունությամբ և կենտրոնացված տնտեսական հենքով: Արդյունքում արտարժույթային ռիսկերը հետհաշվեկշռային ժամանակահատվածում մնում են բարձր մակարդակի վրա:

Գործունեության ընթացքում Կազմակերպությունն իրականացնում է արտարժույթային գործարքներ և իր վրա է կրում փոխարժեքային տատանումների ազդեցությունը: Կազմակերպությունը չի կարող վստահությամբ գնահատել այս փոփոխությունների ազդեցությունը, 31.12.2020 թ-ի դրությամբ Կազմակերպության դրամական միջոցների 80%-ը ՀՀ դրամով է (տես ծանոթագրություն 3):

Արտարժույթի նկատմամբ դրամի փոխարժեքի անորոշ դրսևորման հետևանքով ղեկավարությունը չի կարող վստահությամբ գնահատել այս փոփոխությունների ազդեցությունը Կազմակերպության գործունեության վրա:

19. Ապահովագրություն

Կազմակերպությունն իր գործունեության ընթացքում ենթարկվում է ազատ շուկայական ռիսկի գործոնների ազդեցությանը:

Հայաստանում լիարժեքորեն չեն գործում ֆուտբոլի ֆինանսավորման մի շարք մեխանիզմներ՝ գովազդը, խաղերի տոմսերի վաճառքն ու հեռարձակումները, հեղինակային իրավունքի օգտագործումը և այլն:

Հայաստանի Հանրապետության տնտեսության զարգացման ներկա փուլում ապահովագրության շատ տեսակներ զարգացման սկզբնական փուլում են և լայնորեն չեն կիրառվում:

Կազմակերպությունը ապահովագրված չէ գործունեության ընդհատման, ակտիվների կորստի կամ այլ անձանց կողմից պարտավորությունների չկատարման հետևանքով վնասներ կրելու իրադարձություններից:


Քանի դեռ Կազմակերպությունը ապահովագրված չէ համապատասխան ռիսկերից, առկա է ակտիվների կորստի կամ ոչնչացման վտանգ, որը կարող է անբարենպաստ ազդեցություն ունենալ Կազմակերպության գործունեության վրա:

20. Անորոշություններ


Քանի դեռ վերը նշված անորոշություններում առկա են տարակուսանքներն ու ենթադրությունները, Կազմակերպության ղեկավարությունը չի կարող վստահաբար հաշվարկել, թե դրանք ինչ չափով կարող են ազդեցություն ունենալ Կազմակերպության ակտիվների ու պարտավորությունների մնացորդային արժեքների վրա:

Կազմակերպության 2020 թ-ի ֆինանսական հաշվետվությունները չեն ներառում Հայաստանում ֆինանսական ճշգրտումի ազդեցությունները, եթե կլինեն այդպիսիք, որոնք կարող են անհրաժեշտ համարվել, եթե ներկա համաշխարհային ճգնաժամի ազդեցությունը նկատելի և արժանահավատորեն գնահատելի լինի Հայաստանում:

Ա. Նազարյան
Գործադիր տնօրեն



Ա. Գևորգյան
Գլխավոր հաշվապահ



15 ապրիլի, 2021 թ.

